

k29
H819
33501

SK41/02

中國方志叢書·華中地方·第三三五號

據

清·李斯輯沈雲駿補纂
清光緒八年刊本

影印

湖北省

歸州志



成文出版社有限公司印行



10097636

SK41/02

中國方志叢書·華中地方·第三三五號


據

清·李
光·炳
緒·輯
八·沈
年·雲
刊·駿
本·補
纂

影印

湖北省

歸州志



成文出版社有限公司印行



中華民國六十五年 月壹一版

歸州志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新學社
PDG

原稿缺


原
稿
缺

原稿缺

備二缺應由該營分別題推報部註冊又原設鰲
脊戰船八隻已於咸豐初年被燬無存又准宜昌
鎮總兵崔咨稱水師改陸原期名實相符陸營非
馬不行該前後兩營陸地居多而未設有馬匹現
在庫款支絀未便遽請將本鎮所屬之施南協營
馬兵十一名又衛昌營馬兵九名均改爲戰兵如
此酌量分撥响頂並無增減差操有裨益又原設
戰哨巡船十五隻均於咸豐初年被燬無存理合
請詳咨在案 再查各該營差務向本多在陸路
今旣歸陸路汎所有陸路巡緝盜賊護送响鞘遞

解人犯一切差事各歸各汛經理其應支俸响公
費等款亦照常支放查各該營原頒關防內有水
師字樣應否頒換理合一併詳請核咨等情除咨
兵部查照立案示覆外合就札行即便會同
臬司移行一體遵照等因

光緒六年七月二十七日移抄




而注於大江水經注

龍馬溪在新灘北

九畹溪州南三十五里

茅坪溪州南百里與東湖交界



山川補遺

沈雲駿

龍城鄉偏岩河之西曲而邃洞口外有長潭數十丈其
水夏涼冬溫凡遇歲旱鄉人禱雨者升香具牲於洞
口祀之祀畢旋以石擊其中洞口內如有輕煙湧出
卽不旋朝而雷雨大作如無煙出仍不雨若以驗祈
雨之誠否者土人相傳昔有人執火入洞從石壁間
邐迤而下行里許卽屬乾地且寬濶其平處有石如
床上有橫石如枕俗呼老龍洞則龍之爲靈昭昭矣
後龍城之東南隅有懸岩峻立蹇我由岩根紆折而上
有小洞洞口高數尺從口入一二里豁然開朗洞之

中現石山者三青聳如削稜角崢嶸高而且大以火
照之其石山金碧爛爍有光爛然山以內又有水潭
極深投石擊之其聲朝如鐘暮如鼓隨手響應且洞
泥淨處顯似牛蹄痕跡時隱時見洞之石圓若轉丸
大小錯出是鄉偶逢時症疫癘輒焚香入禱取水拾
丸煎服無不立痊俗呼犀牛洞按此洞同治十三年
始出

牛角山卽舊志所謂牛角朝雲者是也在舊州河後前
志遺

古蹟

秭歸廢縣漢書地理志南郡秭歸縣歸鄉故歸國水經
注樂緯昔歸典叶樂律宋忠曰歸卽夔歸鄉蓋夔鄉
矣古楚之嫡嗣有熊摯者以廢疾不立而居於夔爲
楚之附庸袁崧曰屈原有賢姊聞原放逐亦來喻令
自寬全鄉人冀其見從因名秭歸離騷所謂女嬃嬋
媛其詈余也宜都記曰秭歸蓋楚子熊繹之始國而
屈原之鄉里也屈原宅於今具存諸葛亮出散關表
秭歸蹉跌

建平城在州東故秭歸地孫吳置建平郡以此城名吳

城在州東南八十五里孫吳時築城置戍於此以備
蜀城因以名隋以城當三峽要衝置太清鎮以塞山
蠻寇掠之路魏禧曰三國時吳以爲西偏重鎮晉王
濬等謀自蜀沿流來伐守將吾彥請增建平之戍以
扼其衝要

石門山在州西山有石徑深若重門漢昭烈初爲陸遜
所破走經此門追者甚急乃燒鐃鎧斷道然後得免
其下爲石門灘又西有山亦曰石門唐天寶間改名
蜀口山亘巫山縣界

丹陽城州東南七里南枕大江周成王封熊繹於荊蠻

居丹陽卽此一名屈沱楚王城晉王濬伐吳破丹陽
遂克西陵元嘗徙州治此明洪武四年康茂才與僞
夏將龔興戰於東門大破之今尙呼爲東門頭見魏
禧讀史方輿紀要

信陵城州西四十五里水經注江水東經歸鄉城北又
東經信陵城南吳孫休永安五年分宜都立建平郡
領信陵等縣孫皓建衡二年以信陵爲信陵西陵夷
道樂鄉公安諸軍事卽此信陵也晉仍屬建平郡宋
初因之尋併入歸鄉縣見魏禧方輿紀要

歸鄉縣水經注袁崧曰父老傳言原旣放逐忽然暫歸

鄉人喜悅因名歸鄉余謂袁崧此言因事立證恐非
名縣本旨縣城南面重嶺北背大江東帶鄉口溪谿
源出縣東南數百里西北入縣逕狗峽崖

按狗峽在鷄籠山下鄉口溪由山東南發源西北
下注至舊州治前又東流入江出歸鄉峽一統志
按此非梁陳時歸鄉地疑梁以後遷徙也

夔子城讀史方輿紀要夔子城在州東二十里古楚之
嫡嗣有熊摯者以廢疾不立而居於夔爲楚附庸後
王命爲夔子魯僖公二十六年楚以不祀滅之水經
注江水東南經夔城南跨城據川阜周迴一里百十